



অবিলম্বে প্রকাশের উদ্দেশ্যে: 8/31/2022

গভর্নর ক্যাথি হোকল

নিউ ইয়র্ক স্টেটজুড়ে পানি সম্পদ অবকাঠামো প্রকল্পে অর্থায়নের জন্য গভর্নর হোকলের 232 মিলিয়ন ডলার বরাদ্দের ঘোষণা

*প্রকল্পগুলো লং আইল্যান্ড, মিড-হাডসন, মোহাক ভ্যালি, নর্থ কান্ট্রি ও ওয়েস্টার্ন নিউ ইয়র্ক অঞ্চলে অবস্থিত*

গভর্নর ক্যাথি হোকল আজ জনস্বাস্থ্য ও পরিবেশ সুরক্ষার জন্য অত্যন্ত গুরুত্বপূর্ণ ভূমিকা পালনকারী সুপেয় পানি ও পয়ঃনিষ্কাশন অবকাঠামো প্রকল্পগুলোর জন্য সাতটি মিউনিসিপ্যালিটিকে 232 মিলিয়ন ডলারেরও বেশি বরাদ্দ প্রদানের ঘোষণা দিয়েছেন। NYS-এর এনভায়রনমেন্টাল ফ্যাসিলিটিস কর্পোরেশন (Environmental Facilities Corporation)-এর পরিচালনা বোর্ড কর্তৃক অনুমোদিত ইতোপূর্বে ঘোষিত অনুদান ও কম-খরচের অর্থায়ন প্যাকেজগুলো সর্বমোট 763 মিলিয়ন ডলারেরও বেশি ব্যয়ের পানি অবকাঠামো প্রকল্পগুলোতে সহায়তা করবে।

"অনেক বেশি কমিউনিটিতে অতি গুরুত্বপূর্ণ পানি অবকাঠামো মেরামতের অভাবে দুর্দশাগ্রস্ত অবস্থায় রয়েছে, কিন্তু এখানে নিউ ইয়র্কে আমরা নিউ ইয়র্কবাসীদের স্বাস্থ্য ও সুস্থতা রক্ষার জন্য পদক্ষেপ গ্রহণ করছি" বলেছেন গভর্নর হোকল। "বর্জ্যপানি বিশুদ্ধকরণ এবং পাবলিক ওয়াটার সিস্টেমগুলোর জন্য 232 মিলিয়ন ডলারের এই অবকাঠামোগত বিনিয়োগ স্থানীয় সরকারে আমাদের অংশীদারদের পানি অবকাঠামো উন্নয়নের জন্য উল্লেখযোগ্য বিনিয়োগ করতে এবং বর্তমানে ও সুদূর ভবিষ্যতে পানির গুণমান উন্নত করার ব্যাপারে স্টেটের অঙ্গীকারাবদ্ধতা এগিয়ে নিতে সাহায্য করবে, যা ভবিষ্যত প্রজন্মগুলোর জন্য একটি অধিকতর স্বাস্থ্যকর, আরো বেশি সমৃদ্ধ নিউ ইয়র্ক তৈরি করবে।"

বোর্ডের অনুমোদন করা আর্থিক সহায়তার মধ্যে স্বল্প-মেয়াদী অর্থায়ন এবং ইতোপূর্বে ঘোষণা করা অনুদানগুলো অন্তর্ভুক্ত রয়েছে যা গুরুত্বপূর্ণ প্রকল্পগুলোর কাজ শুরু করতে সাহায্য করার জন্য স্থানীয় সরকারগুলোকে মূলধন সরবরাহ করবে। বোর্ড বেশ কয়েকটি দীর্ঘমেয়াদী অর্থায়নের রূপান্তর অনুমোদনও করেছে যা সম্পূর্ণ করা প্রকল্পগুলির জন্য সুদের ত্রাণ প্রদান করে এবং পৌরসভাগুলির জন্য ঋণ হ্রাস করে।

আজ ঘোষণা করা প্রকল্পের অর্থায়নের মধ্যে, লং আইল্যান্ডের তিনটি বর্জ্যপানি বিশুদ্ধকরণ প্লান্ট প্রকল্পের জন্য 200 মিলিয়ন ডলারের সুদ-মুক্ত অর্থায়ন অনুমোদন করা হয়েছে, যেসব প্রকল্প সহনশীলতা ও পানির মান উন্নত করবে।

বোর্ডের অনুমোদনগুলোর মধ্যে ক্লিন ওয়াটার স্টেট রিভলভিং ফান্ড (Clean Water State Revolving Fund) এবং ড্রিংকিং ওয়াটার স্টেট রিভলভিং ফান্ড (Drinking Water State Revolving Fund, DWSRF) এবং পানি-সম্পদ অবকাঠামো উন্নয়ন (Water Infrastructure Improvement, WIIA) কর্মসূচি অনুযায়ী ইতোমধ্যে ঘোষণা করা অনুদানগুলো অন্তর্ভুক্ত রয়েছে। জলের অবকাঠামোর অর্থায়নের সুযোগগুলির ব্যাপারে আরো জানতে EFC-র [ওয়েবসাইটে](#) যান।

**এনভায়রনমেন্টাল ফ্যাসিলিটিস কর্পোরেশনের প্রেসিডেন্ট ও CEO মরিন এ. কোলম্যান বলেন,** "নিউ ইয়র্ক স্টেটের বড় ও ছোট সব ধরনের কমিউনিটিগুলোর জন্য নির্মল পানি ও সুপেয় পানির অবকাঠামোগত প্রকল্পগুলো একটি ভীতিকর আর্থিক দায়িত্ব হয়ে উঠতে পারে, কিন্তু এসব প্রকল্প নিউ ইয়র্কবাসীদের স্বাস্থ্য ও নিরাপত্তার জন্য অত্যন্ত গুরুত্বপূর্ণ। EFC আনন্দিত যে আজ EFC বোর্ডের অনুমোদনকৃত কম-খরচের অর্থায়ন ও অনুদানগুলো আগামী বছরগুলোতে পানির গুণমান সুরক্ষিত রাখবে এমন প্রকল্পগুলো সাশ্রয়ীভাবে নির্মাণ করতে সাতটি স্থানীয় সরকারকে সাহায্য করবে। কমিউনিটিগুলোকে পানির গুণমান উন্নয়নে সহায়তা করতে নিউ ইয়র্কের নজিরবিহীন সহায়তার ক্ষেত্রে তার নেতৃত্বের জন্য EFC গভর্নর হোকলকে ধন্যবাদ জানায়, যেমনটা স্টেটের পানি অবকাঠামোর জন্য 225 মিলিয়ন ডলারের অনুদান বরাদ্দ করার ব্যাপারে তার সাম্প্রতিক ঘোষণার মধ্য দিয়ে প্রতিফলিত হয়েছে। EFC স্থানীয় সরকারগুলোকে এই তহবিল বরাদ্দের সুযোগ গ্রহণ করতে এবং 9 সেপ্টেম্বর তারিখে আবেদনের সময় শেষ হয়ে যাওয়ার আগেই EFC-এর কাছে আবেদন জমা দিতে উৎসাহিত করছে।"

**নিউ ইয়র্ক স্টেটের পরিবেশ সংরক্ষণ বিভাগের (Department of Environmental Conservation) কমিশনার এবং EFC বোর্ডের সভাপতি বাসিল সেগোস বলেন,** "নিউ ইয়র্কের পুরোনো হয়ে যাওয়া পানি অবকাঠামোর উন্নয়ন পানির গুণমান উন্নত করা, আবাসস্থলগুলো সমৃদ্ধ করা, এবং আমাদের কমিউনিটিগুলোকে সমৃদ্ধি অর্জনে সক্ষম করে তোলার জন্য একটি অপরিহার্য বিষয়। আজ গভর্নর হোকলের ঘোষণা করা তহবিল ও অর্থায়ন অতি গুরুত্বপূর্ণ বে পার্ক কনভেয়ান্স প্রকল্পে (Bay Park Conveyance Project) নাসাউ কাউন্টির সঙ্গে DEC-এর অংশীদারিত্বের মতো প্রকল্পগুলোকে এগিয়ে নেওয়ার জন্য অসামান্য অবদান রাখবে, যাতে সেগুলো উপকূলীয় কমিউনিটিগুলোকে সুরক্ষিত রাখতে, পানি দূষণ প্রতিরোধ করতে, এবং নির্মল সুপেয় পানির সরবরাহ নিশ্চিত করবে এমন দীর্ঘমেয়াদী সুফল প্রদান করতে পারে।"

**স্টেটের স্বাস্থ্য কমিশনার ড. ম্যারি টি. ব্যাসেট বলেন,** "গভর্নর হোকল অনুধাবন করেছেন যে একটি নির্মল পরিবেশ নিশ্চিত করতে এবং আগামী বছরগুলোতে সব অধিবাসীর স্বাস্থ্য সুরক্ষিত রাখার জন্য পানির অবকাঠামোর জন্য একটি উল্লেখযোগ্য বিনিয়োগ অপরিহার্য। নিউ ইয়র্ক স্টেটের পানির মানদণ্ডের সঙ্গে টেকসই সঙ্গতি রক্ষা নিশ্চিত করতে স্থানীয় সংস্থাগুলোকে নির্দেশনা ও সহায়তা প্রদানের জন্য স্টেটের স্বাস্থ্য বিভাগ (Health Department) এনভায়রনমেন্টাল ফ্যাসিলিটিস কর্পোরেশন এবং পরিবেশ সংরক্ষণ বিভাগের সঙ্গে নিবিড়ভাবে কাজ করা অব্যাহত রেখেছে।"

**ডিপার্টমেন্ট অব স্টেটের (Department of State) সেক্রেটারি রবার্ট জে. রডরিগেজ বলেন,** "গভর্নর হোকল স্বীকার করেন যে এগুলোর মতো কৌশলগত অবকাঠামোতে বিনিয়োগ টেকসই, দীর্ঘমেয়াদী কমিউনিটি স্বাস্থ্য ও প্রাণবন্ত অবস্থার ভিত্তি তৈরি করে। পানি ও পয়ঃনিষ্কাশন অবকাঠামোতে এসব বিনিয়োগ জনস্বাস্থ্য সুরক্ষিত রাখা, কমিউনিটির উন্নয়নে সহায়তা করা এবং অর্থনৈতিক সমৃদ্ধির প্রসার ঘটানোর মাধ্যমে আগামী প্রজন্মগুলোর জন্য সুফল বয়ে আনবে।"

### অনুমোদিত পরিষ্কার পানির প্রকল্পে অর্থায়ন

- উলস্টার কাউন্টির কিংসটন সিটি - 6,184,958 ডলারের স্বল্প-মেয়াদী, সুদ-মুক্ত অর্থায়ন এবং বর্জ্যপানি বিশুদ্ধকরণ প্লান্টের উন্নয়নের জন্য 1,975,000 ডলারের একটি WIIA অনুদান।
- নাসাউ কাউন্টি- বে পার্ক সিউয়েজ ট্রিটমেন্ট প্লান্ট (Bay Park Sewage Treatment Plant) থেকে বর্জ্যপানির প্রবাহ সিডার ক্রিক পানি দূষণ নিয়ন্ত্রণ প্লান্ট (Cedar Creek Water Pollution Control Plant) পর্যন্ত নিয়ে যাওয়ার অবকাঠামোর পরিকল্পনা, নকশা ও নির্মাণের জন্য 47,500,000 ডলারের স্বল্প-মেয়াদী, সুদ-মুক্ত অর্থায়ন, 47,500,000 ডলারের স্বল্প-মেয়াদী, বাজার-মূল্যে অর্থায়ন এবং 26,812,500 ডলারের দীর্ঘমেয়াদী, সুদ-মুক্ত অর্থায়ন। এই প্রকল্প রেনল্ডস চ্যানেলে সহনশীলতা বৃদ্ধি করবে, বন্যা মোকাবেলা করবে এবং পানির গুণমান উন্নত করবে।
- লুইস কাউন্টিতে লোভিল ভিলেজ - পুরোনো হয়ে যাওয়া স্যানিটারি পয়ঃনিষ্কাশনগুলোর সংস্কারকাজ এবং বৃষ্টির পানি সংগ্রহ ও সরবরাহের জন্য একটি নতুন ব্যবস্থা স্থাপনের জন্য 10,809,000 ডলারের দীর্ঘমেয়াদী, সুদ-মুক্ত অর্থায়ন।
- সাফোক কাউন্টি-বার্জেন পয়েন্ট বর্জ্যপানি বিশুদ্ধকরণ প্লান্ট (Bergen Point Wastewater Treatment Plant) থেকে গ্রেট সাউথ বে-এর নিচে অবস্থিত জোনস বিচ ব্যারিয়ার আইল্যান্ড পর্যন্ত চলে যাওয়া বর্জ্য পানি নির্গমনের পথটি প্রতিস্থাপনের জন্য 81,624,796 ডলারের দীর্ঘমেয়াদী, সুদ-মুক্ত অর্থায়ন।
- ওনেইডা কাউন্টিতে ভার্ন ভিলেজ - বর্জ্যপানি বিশুদ্ধকরণ প্লান্ট উন্নয়নের নকশা ও নির্মাণকাজের জন্য 5,212,500 ডলারের দীর্ঘমেয়াদী, সুদ-মুক্ত অর্থায়ন এবং 750,000 ডলারের WIIA অনুদান।

### অনুমোদিত সুপেয় পানির প্রকল্পে অর্থায়ন

- ক্যাটারাগাস কাউন্টির সাউথ ডেটন ভিলেজ - কুপের উৎস উন্নয়ন, ভূগর্ভস্থ পানি বিশুদ্ধকরণ উন্নয়ন, ট্রিটমেন্ট ট্যাংক সংস্কার, প্রায় 4,200 ফুট দীর্ঘ ডিস্ট্রিবিউশন মেইন প্রতিস্থাপন এবং প্রায় 250টি ওয়াটার মিটার প্রতিস্থাপনের জন্য 1,401,900 ডলারের স্বল্প-মেয়াদী, সুদ-মুক্ত অর্থায়ন এবং ড্রিংকিং ওয়াটার স্টেট রিভলভিং ফান্ড (Drinking Water State Revolving Fund) থেকে 1,823,100 ডলারের অনুদান।

- জেফারসন কাউন্টিতে ফিলাডেলফিয়া ভিলেজ - একটি ওয়াটার ট্রিটমেন্ট ভবন নির্মাণ, একটি ভূগর্ভস্থ পানি উত্তোলনের কূপ সংযোগ ও উন্নয়ন, এবং ওয়াটার মেইন স্থাপনের জন্য 683,400 ডলারের WIIA অনুদান।

### স্টেটের ওয়াটার গ্র্যান্টের জন্য আবেদনের শেষ সময় 9 সেপ্টেম্বর

EFC বর্তমানে [জুলাই মাসে গভর্নর হোকলের দেওয়া ঘোষণা অনুযায়ী](#) পানি-সম্পদ অবকাঠামো উন্নয়ন (Water Infrastructure Improvement, WIIA) এবং ইন্টারমিউনিসিপ্যাল গ্র্যান্ট (Intermunicipal Grants, IMG) কর্মসূচির মাধ্যমে 225 মিলিয়ন ডলার অনুদান প্রদানের জন্য আবেদন গ্রহণ করছে। অনুদানের এই সর্বশেষ রাউন্ড স্থানীয় সরকারগুলোর জন্য পানি-সম্পদ অবকাঠামোতে বিনিয়োগ আরো বেশি সাশ্রয়ী করে তুলবে এবং প্রস্তুতকরণ, প্রকৌশল, নির্মাণ, প্ল্যান্টের কার্যপরিচালনা, এবং সংশ্লিষ্ট শিল্পখাতগুলোতে কর্মসংস্থান তৈরি করবে। স্থানীয় সরকারগুলো [efc.ny.gov/wiia](#) ঠিকানায় গিয়ে আরো তথ্য জানতে এবং আবেদন করতে পারবে। আবেদন জমা দেওয়ার শেষ সময় 9 সেপ্টেম্বর।

### পানির মানের প্রতি নিউ ইয়র্কের প্রতিশ্রুতি

নিউ ইয়র্ক পরিষ্কার পানি অবকাঠামো প্রকল্পসমূহে বিনিয়োগ বৃদ্ধি করে চলেছে। গভর্নর হোকলের নেতৃত্বাধীন, 2022-23 প্রণীত বাজেট অতিরিক্ত 1.2 বিলিয়ন মার্কিন ডলারের অনুমোদন দেয়, যা ল্যান্ডমার্ক পরিষ্কার পানি, পরিষ্কার বায়ু এবং সবুজ কর্মসংস্থানের পরিবেশগত বন্ড অ্যাক্টের (Clean Water, Clean Air, and Green Jobs Environmental Bond Act) মোট বিনিয়োগ 4.2 বিলিয়ন মার্কিন ডলার করে। এই বছরের শেষের দিকে ভোটারদের দ্বারা গৃহীত এই ঐতিহাসিক উদ্যোগটি জলের পুরাতন অবকাঠামো আপডেট করবে এবং জলের গুণমানকে রক্ষা করবে; বায়ুর দূষণ কমাতে এবং জলবায়ু-পরিবর্তনকারী নির্গমনগুলি হ্রাস করবে; বাসস্থান পুনরুদ্ধার করবে; তীব্র ঝড় এবং বন্যা সহ্য করার জন্য সম্প্রদায়গুলির ক্ষমতাকে শক্তিশালী করবে; বহিরঙ্গনের স্থান এবং স্থানীয় খামারগুলিকে সংরক্ষণ করবে; এবং সুবিধাবঞ্চিত সম্প্রদায়গুলির সম্পদে, 40 শতাংশের লক্ষ্য সহ অন্তত 35 শতাংশ বিনিয়োগ করবে।

পাশাপাশি, বাজেটে পরিষ্কার পানির অবকাঠামোর অর্থায়নের জন্য আরো 500 মিলিয়ন মার্কিন ডলার অন্তর্ভুক্ত রয়েছে, যা 2017 সাল থেকে স্টেটের মোট পরিষ্কার পানির বিনিয়োগ করে 4.5 বিলিয়ন মার্কিন ডলার। এছাড়াও এতে জলবায়ু পরিবর্তন প্রশমন ও অভিযোজন প্রচেষ্টাসমূহের ক্ষেত্রে সহায়তা করা, টেকসই কৃষির প্রসারের জন্য কৃষি সংস্থানগুলোর উন্নতি করা, আমাদের পানির উৎসগুলো সুরক্ষিত রাখা, সংরক্ষণের প্রচেষ্টা এগিয়ে নেয়া, এবং নিউ ইয়র্কবাসীদের জন্য চিত্তবিনোদনের সুযোগ-সুবিধা প্রদান করার জন্য পরিবেশ সুরক্ষা তহবিলে (Environmental Protection Fund) রেকর্ড পরিমাণ 400 মিলিয়ন ডলার প্রদান করা হচ্ছে।

### মাউন্ট ভার্ননে পরিবেশগত ন্যায়বিচারের অগ্রগতি

গভর্নর হোকলের নেতৃত্বের অধীনে কয়েক দশক ধরে এই সিটিকে ক্ষতিগ্রস্ত করতে থাকা দীর্ঘমেয়াদী পানি-সম্পদ অবকাঠামো এবং সংশ্লিষ্ট জনস্বাস্থ্য বিষয়ক চ্যালেঞ্জগুলো মোকাবেলার জন্য স্টেট মাউন্ট ভার্ননের মেয়র শেইন প্যাটারসন-হাওয়ার্ড এবং ওয়েস্টচেস্টার কাউন্টির এক্সিকিউটিভ জর্জ ল্যাটিমারের সঙ্গে [150 মিলিয়ন ডলারের ঐতিহাসিক](#) বিনিয়োগ ও

অংশীদারিত্বের জন্য অঙ্গীকারাবদ্ধ হয়েছে। এই অংশীদারিত্বের অধীনে মাউন্ট ভার্নন সিটি কাউন্সিল [এই মাসের শুরুতে 6 মিলিয়ন ডলারের স্টেটের-অর্থায়নে পরিচালিত কন্ট্রাক্ট](#) অনুমোদন দিয়েছে, যা অগ্রাধিকার ভিত্তিতে পয়ঃনিষ্কাশন ব্যবস্থার মেরামত এবং ভবিষ্যতের বর্জ্যপানি সংক্রান্ত প্রকল্পগুলোর জন্য দীর্ঘমেয়াদী পরিকল্পনা শুরু করার ক্ষেত্রে একটি গুরুত্বপূর্ণ মাইলফলক। সিটির পয়ঃনিষ্কাশন ও পানি-সম্পদ অবকাঠামো সংকটের দ্বারা ক্ষতিগ্রস্ত হওয়া মাউন্ট ভার্ননের অধিবাসীদের সহায়তা করার জন্য জুলাই মাসে ঘোষণা করা গভর্নরের অফিস অব স্টর্ম রিকভারি (Office of Storm Recovery) [হেলদি হোমস পাইলট কর্মসূচির](#) মাধ্যমে বাড়তি 3 মিলিয়ন ডলার তহবিল প্রদান করা হয়েছে। আগ্রহী অধিবাসীরা আরো তথ্য জানতে [stormrecovery.ny.gov/mountvernon](http://stormrecovery.ny.gov/mountvernon) ওয়েবসাইট দেখতে পারেন।

### **স্থানীয় সরকারগুলোকে ক্লিন ওয়াটারশেডস নিডস (Clean Watersheds Needs) জরিপে অংশগ্রহণ করার জন্য উৎসাহিত করা হচ্ছে**

EFC মিউনিসিপ্যালিটিগুলিকে এনভায়রনমেন্টাল প্রোটেকশন এজেন্সির (Environmental Protection Agency, EPA) পরিষ্কার ওয়াটারশেড চাহিদা জরিপে (Clean Watersheds Needs Survey) অংশগ্রহণ করতে তাগিদ দিচ্ছে যা EFC 1 মার্চ নিউ ইয়র্কে শুরু করেছে। অংশগ্রহণ অত্যন্ত গুরুত্বপূর্ণ কারণ এটি ভবিষ্যতে বিশুদ্ধ জলের পরিকাঠামোর প্রকল্পগুলিতে অর্থায়নের জন্য নিউ ইয়র্ক স্টেটকে কত ফেডারেল CWSRF তহবিল বরাদ্দ করা হবে তা প্রভাবিত করতে পারে। মিউনিসিপ্যালিটিগুলিকে EPA-তে জমাদানের জন্য তাদের সম্প্রদায়ের বর্জ্য পানি অবকাঠামোর চাহিদা নথিভুক্ত করতে বলা হয়েছে। নথি জমাদানের জন্য এবং জমাদানে সহায়তার সংস্থানের জন্য <https://efc.ny.gov/needs> এ যান।

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418